



PAMFLET

276






Openinghe
Ghedaeen den Sta-
 ten van allen den landen van on-
 sen harden ghenadighen Heere ende natuerlic-
 ken Prince den Hertoghe Philips / binnen zj-
 ner stede van Ghent / byden dese leden
 stants van Vlaenderen / int Jaer
 veertienhondert ende se-
 uenentachtentich.



Ghedruet int Jaer ons Heeren
M. D. Lxxvi.





Aen den Leser.

Daer en gheschiet niet buydenslaechs dat hier voortijts oock niet ghebeurt en is: Ende ist dat wy nu onser Privilegien haluen verstoort, aenneghenochten, ende in perijckel vande seluighe te verliezen, ghebrocht worden, dat selue is oock onsen voorvaderen dickmael wederghenaren. Daeromme ghelijckers wijs de buydendaechsche gheschiedenissen beschreuen worden tot dien eynde datse onsen naercommeren souden moghen hier naermaels dienen, Alsoo moeten ons oock de daden onser voorvaderen een exempel wesen, ende de remedien die sy ghepleecht hebben in ghelycke gheschillen als wy nu hebben, oock van ons achtervolghet ende int werck ghestelt worden. Om t'welcke te beter te effectueren ende te volbrenghe, soo hebben wy voor goet gheacht in schrifte te laten wtghaenden twist tusschen den Coninck Maximiliaen ende de drie Leden van Vlaenderen, gheresen int laer duysent vierhondert achtentachtentich: Mitsgaders oock de middelen byden anderen landen staetsghewijse, ter besede der voorghenoemde drie leden van Vlaenderen, versgadert wesende, voortghewent ende ghebruyct, om de seluighe gheschillen te slichten, ende tot ghemeynen oorboor des landts te verdraghen. Ende aenghesien den paeys die vanden voorschreuen staten, aenghehoort hebbende de clachte ende beschuldiginghe der drie leden van Vlaenderen teghen den Coninck Maximiliaen voors
A ij schreuen

schreuen, ghemeynsaemer handt gheraemt ende besloten
werde, een seer merckelick en heerlick stuck is, welck
nu, beyde den lantsheere ende den staten vanden neder-
landen een goet exempel is, hoe sy hun in dese ellens-
dighe tyden behoorden te gouuernereren, Soe hebben wy
de seluighe paeyss oock wel willen daer by stellen, hoe-
pende dat in ghelycke saken ghelyckformelich sal mo-
ghen ghepractiseert ende gehandelt worden. Een yea
ghelick dan wille dese onsen arbeydt ten ghoeде afne-
men, ende t'inhout der seluer soe behertighen, dat wy
daer wte alfulcke vruchten moghen ghenieten,
als tot ruste onses armen verdructen
Vaderlant nootwendich ende
orboorlick is.



Openinghe ghedaen den staten van
allen den landen van onsen harten ghenadighen
Heere en natuerlicken Prince den Hertoghe Phi-
lips, binnen sijne stede van Ghendt, byden drie le-
den slants van Vlaenderen.

Alvooren is waer / hoe int jaer tweentach-
tentich lefleden / by aduise van alle den staten vanden landen
vanden Prince / ende heeren vanden edelen bloede / ende van-
den ordene / om diuersche consideracien die doen ghesont waren ten
diuerschen dachuaerden ten diuerschen plecken ghehouden / die als nu
te lanch waren te verhalene / was paeps ghemaect tusschen / saligher
ghedachten den Coninck Lodewijck vā Branchryck / myn Heere den
Dauphin nu Coninck zynen sone / en heuren lande ouer een zijde / den
Coninck vanden Romeynen doe Hertoghe van Oostenrycke / als va-
der van onsen harde ghenadighe Heere Hertoghe Philips onsen na-
tuerliche Prince / Margriete vā Oostenrycke nu Coninghinne van
Branchrycke / en heuren lande van herwaerts ouere ouer andere : ende
ter conuersacie en verseeckerthede vanden seluen paepse / tractaet van
huwelich ghemaect ende gheslooten tusschen den seluen Dauphin en-
de Margriete.

Item / den welken paeps solemmelich gheswoeren was van beyde
de partien / op de heylige Euangelie / en gebenedide Sacrament van-
den outaer / inder hande byder Princen ende heeren vanden edelen
bloede en vanden ordene : initsgaders den ghedeputeerden vanden sta-
ten van allen steden en landen / ende oock bezeghelghede daer of ghe-
gheuen van allen zjden.

Item / en wat vruchten binnen desen lande waren / duerende den sel-
uen paepse totter inbrake van dien / mach elck wel weten / wat metten
paepse den goddelicken dienst vermeerde / de edele warē gheert / coop-
manschappe en neeringhe hadden cours binnen den lande / de lantlie-
den doende heurliecker labeur / verrichten : En ter contrarien naer dat
den paeps ghebroken was / wat sortsen / violentien / dieften / roou-
ghen / pillerjen / dootslaghen / moorden / sacrilegen / bederfnisse en des-
solacie vanden platten lande / steden en stercken / cloosteren ende here-
ken / oppressien van gehuwede vrouwen / goede machden en religieus-
sen / mach oock wel kennelich zyn / wat al claer en notoirt is / en by spe-
ciallicken

Hij

417 stalliden den ghenen die gheseten zyn op de frontieren, die daghelike gheuoelen de ouerwinnelike schade en dangiere vander voorschreuen infractie.

IIII. Item de welcke infractie niet en behoorde graduouert te zyn by den Coninck vanden Romeynen, sonder aduen en consent van allen den landen, mits dat niet gheoorloeft en is den erfachtighe heer van den landen, eenighe oorloghe an te nemen sonder consent vander landen naer rechte en priuilegie, en by dien veel min eenen momboir ende voeght van onsen erfachtigen Prince: Maer indien die ouer tractact en maken vanden paepse van Brancrichie warē, en de staten van allen dē landē, daer op geroepē geweest haddē, sy en haddē sonder twiſfele vā sulckē aduise niet geweest, ouermerckende de groote dangieren, inconuenientē, en ouerwinnelike schade die byder infractie gheschepen waren te gheschiene, alsoot sichten wel gebleken is: Nemace hadde niemant willen sustineren, dat eenighe vander syde van Brancrichie den paeps ghebroken hadde, en dat ter krenisse vanden statē gescommen ware, sy soudē achtervolghende den seluen paeps sekerē dachuaerden daer op ghehouden hebben, contenderende tot reparatie vander infractie, aler sy den paeps voor ghebroken soudē gehouden hebben: ghemerct dat byden voorschreuen paeps daerinne expresselick voorsien is.

v. Item en hadden oock overdocht en ghepeynst, dat aengaende den tyt dat ons erfachtich Prince onder syne iaren is, en zyn sal, niemant gheoorlooft en was, noch en is, van wat state oft conditie by sy, het sy voeght, momboir en administrateur, of andere, te surtēne en te cōcluderene sulckē sake van grooter preiudicie, als was d'infractie vanden seluē paeps: Want naer rechte een voeght en momboir mach de condicie van zijnder weese en pupille wel verbeteren, maer niet verargeren: nu wat mochtmen arghere en preiudiciabler conclusie nemē, dan byder infractie afgaende den paeps, daer alle deucht tot comt, ende aememende de oorloghe die moeder is van allen quaden.

VI. Item was waer, dat cortelinghe naer den paeps, het regiment ende gouernement vanden persoon van onsen erfachtighen Prince den Hertoghe Philips, ende van synen Graeffschappe van Vlaenderen, byden Coninck vanden Romeynen doe Hertoghe van Oostenrijche, vadere van onsen erfachtighen Prince, geconsenteret was dē Princen en heeren vanden edelē bloede, den heere van Auestain, Comont, Breure, Vere, en Gruythuse, ende den drie leden van Vlaenderen.

Item

Item/ en waren ten dien tijden de drie leden slants omme dat te ver- VII
soeckene en begeerene/ daer toe gemoueert omme vele redene/ en son-
derlinge omme de goede bewarenisse en verskerthede vande persoon
van onsen harden gheduchten heere en natuerlichen Prince/ en dat
hy in toecommende tijde niet onstrunct ontelst/ noch gheer berideert
en soude zijn van synen landen/ heerlichheden/ demapnen en preemi-
nencien/ die hem toeghecomen/ gheuallen/ en verscheren waren by:
den ouerlijden van saligher gedachte vrouwe Marie syne lieue vrou-
moedere/ in heuren leuene erfachtighe vrouwe vanden landen.

Item/ en hadden de selue drie leden/ cause van twiiffelen/ vander ont- VIII
terffnisse en echeridacie vanden seluen synen landen. te wetene/ Gra-
bant/ Henegouwe/ hollant en Zeelant/ mits dat openbaerlich ghe-
sept en ghedeclareert was ten dien tyde/ van eenige vanden dienars
vande Kersere/ dat de Kerser pretendeerde recht te hebben ande voor-
schreuen landen/ by dat sy gheuallen waren op eene vrouwe name/ en
by dien geuallen en verscheren/ byden ouerlijdene van saligher ghe-
dachte/ Hertoghe Vlaerie/ op den Kersere. IX

Ten anderen was ooc wel te twiiffelene vande ontterffnisse en er- IX
heredacie vande voornoeinden landen/ mits den versoecke vande ont-
fanghe die hy begheerde in Grabant/ Henegouwe/ hollant en Zee-
lant/ alsoe dat den staten van herwaertsouere wel kennelich is: en om-
me dat dien ontfanch/ inde qualiteyt alsoe hy dien begheerde/ hem we-
berlept was by eenighe ghedeputeerde vanden landen: oock dat de sel-
ue ghedeputeerde waren ouer t'maken vanden paerse van Brancne-
he/ en seker accordt/ minne/ en eendracht maken wilden tusschen Gra-
bant en Vlaenderen/ waren eenighe te Wiluorde gheexecuteert/ en an-
dere verdreuen.

Item/ en omme dieswille dat de Coninck vanden Romeynen/ so ele- X
ken kennelich is/ gheconsenteert heeft voorschreue gouuernement te
nemene by wege van faite/ heeft van noode geweest den drie leden
slants te appellerene/ omme hemlieden met die appelle/ soe redene en
recht bewijst/ te conseruerene ende houdene in heure possessie vanden
voorschreuen gouuernemente/ inder manieren soo dat byden Coninck
vanden Romeynen gheaccordeert was.

Item/ en hoe wel naer vele gheschillen en questien geresen tusschen XI
den Coninck vanden Romeynen doen Hertoge van Oostenrijcke/ en
den lande van Vlaenderen/ ter cause vanden regimente en gouerne-
mente vanden persoon van onsen erfachtighen Prince en synen lande
van XX

van Vlaenderen. soo dat by eenighe subtile gheesten t'lant gheblijch
was in oorloghe. parys ghemaect was ende gheaccordeert by die van
Vlaenderen / dat de Coninck vanden Romeynen doen Hertoghe van
Bostenrijche wettelich voeght en momboir zijn soude vā synen erft-
ghen sone Hertoghe Philips / en daer of dede den behoorlickien en so-
lempneelen eedt / te Ghent binnen S. Jans kercke / den vijndach den
achtesten inde thopmaent anno vijfuentachtentich / daer by swoor wet-
telich voeght en momboir te syne van onsen harden geduchten heere
Hertoghe Philips synen sone / de heylige kercke in rechte te houden /
t'lant vanden Vlaenderen in vrede en in wette te houden / de rechten /
priuilegien / oude en nieuwe / vanden seluen lande te houden / en doen
onderhoudē / naer rotwysen vanden seluen eede / &c. En dien volghens
ghende / de ingesetene vander stede van Ghent / deden hem wederom
me eedt / goet en ghetrouwe te zijne / den tyt van zijnder voochdie ghe-
duerende / &c.

XII. Desen al niet teghenstaende / de drie leden nants hebben ouerlanck
beuonden / en vinden seere vele ghebreken inde administracie vander
seluer voochdie.

XIII. Erst want den edelen persoon van onsen erfachtighe Prince / den
Hertoghe Philips / de welcke het hoochste en profytelicste trefoor is
vanden lande / heeft veruoert gheweest ende ghetransporteert / al eer
byden Princen en heeren van synen edelen bloede op zijn onderhoud
gheaduiseert en voorsien is geweest / En dat meer is nu inde bewaer-
nisse vanden geenen die hem van bloede niet bestaen / als inde handen
van me vrouwe de Donagiere / ende den heere vā Walham / die meer
beiminnen de qualickuaert vanden lande / dan de weluaert / alsoot blijft
by heurlieder ghewercke / en daghelic transporteeren van stedete ste-
de / sonder t'weten vanden Princen en heeren van synen edelen bloe-
de / en in sulcken steden / daer sy meer auctoriteyt en beuel hebben / ge-
lijck te Berghe en elders / en nu ter tyt binnen Mechelen / daer ghem
andere landen macht noch beuel ouer en hebben.

XIIII. Ten anderen verstaen / dat ons voorschreuen gheduchten heere so
berlick onderhouden is / en dat in synen staet noch ordene noch regele
en is / maer comen dagelicks groote clachten dat sijne dienars ende
officiers die hem syne despence doen / niet betaelt en connen zijn.

XV. Ten derden / want alle de costelike erqueste luueelen / van siluere /
goude / peerlen / ghesteenten / tapetserie / ende andere / de selue onsen
gheduchten heere toecomme ende verschenen / byden ouerlijdene van
vrouwe

grouwe Marie zynder leuer moeder / en haren edelen voor-
ders naer t'wonsen van sekeren inventaris daerof zynde / duerende
der voochdie / alle gedissipeert / verandert / belast / beleent / en te nieten
gebrocht zyn / soo dat hy comen zynde t'zynder oude / luttel betooych
sal connen doen van zynen voorders.

Item insgelijck zyn zyn demapnen so belast ende geanticipeert / dat xvi.
hy comen zynde t'zynder oude / luttel of niet / in veel laeren ghesche-
pen te ontfane.

Item sien voort de drie leden / dat alle expediciē van iusticie / mande- xvii.
mentē / relieffementen / sentencien / ghiften van officien / financien / ende
diergelijcke / de Coninck vanden Romeynen heeft doen expedieren in
zine name / sonder eenichsins mencie te makene van zynder voochdie /
ghelijck of hy erfachtich ware: want al ist soo dat hy de intitulatie /
Hertoghe Philips ghenaeint staet / inde conclusie en signature en is
van hem niet vermaent.

Item oock inden grooten seghele negeen mencie gemaect en is van- xviii.
der seluer voochdie / maer dat achtergelaten / schijn makende of hy / ge-
lijck zynen sone / daerinne gherecht waers.

Item alle de penninghen die niemvelinge gemunt zyn / in Brabant / xix.
Ghelre / ende Holland / de wapene van Hertoghe Philips ghebroken
staet / niet andere quartieren / hem niet toebehoorende.

Item datmen in Vlaenderen / binnen der stede van Brugge / munte xx.
gheslegen heeft vanden Coninck vanden Romeynen wege / niet ziner
wapene / sonder meer / ende sonder eenichsins de wapene / of den name /
van Hertoghe Philips daer op te stellene / daermede vsurperende de
hoocheyt vande Coninck van Brancrjcke / souverain / heere vanden
lande van Vlaenderen / en autoriteyt onsen erfachtigen Graue / twee-
ke naermaels keeren mochte ten grooten preiudicien ende achterdeele
vanden Graue van Vlaenderen.

Item voort volghende ziner receptie / behoorde t'landt ghehouden xxi.
t'hebbene in vrede / d'welck soo niet gedaen en is / want zyn in oorlo-
ghen ghebrocht tegens de Angelschen ende Franchoisen / sonder t'we-
ten van den staten van alle den landen / niet teghenstaende den paeps
van Brancrjcke so solemnelich besworen.

Ten anderen / al ist soo dat byden paeps van Vlaenderen / ghemaect xxii.
int laet

int jaer vijftientachtentich / de Concluck vanden Romeynen al verge-
uen ende vergeeten behoorde t'hebbene; die men eenichmans soude mo-
gen tegen zyne hoocheyt misseyt of misdaen hebben / niet teghenstaen-
de dien veel lieden hebben sichten gheeraccioneert / ghecomposcirt /
ende gheexecuteert geweest / groote swaere processen gesustineert / ghe-
lyck oft gheen paeps ghemaecht gheweest en hadde.

XXIII. Item / en dat onder t'dersele van eender clause / die eenighe quaet-
willende deden instellen en insereren / hoe wel ten tijden als den paeps
ouerbrocht was / die clause daer inne niet en stont / welck is: Behou-
den ons / ons soons / ende een peghelick in al zyn recht / welcke clause
is geheelich ende al deroguerende / altererende / en contrarierende / den
paepse. Or pax nihil debet habere insidiarum, Et propter pacem ius partis
remitti potest.

XXIII. Item ende ten derden / al ist soo dat by virtute vander seluer recep-
tie / de ingesetene vande landen behooren getracteert te zyne in rechts
ende iusticie / niet teghenstaende / duerende den tijt vander voorhdie / heb-
ben de ingesetene vanden lande / buyten allen redelicken ende rechten
weghe van iusticie ghetracteert gheweest / wech gheuoert ende ghe-
transporteert / contrarie den ghemeenen rechten ende preuilegien van
den lande / dwelch seyt dat elck recht genieten soude tzynder poort / als
de heer vander Vere / Gruythuse / en Aeseghem / meester Philips
Wielandt / Jan vander Schaghe / die groote sommen van penningen
hebben moeten gheuen om in iusticie ghehoort te zyne / mits dat sy als
iusticie versochten / was hemlieden plattelich ontfeyt / ende andere hier
niet ghenoeit / ghecoindenseert / verbannen / ende criminelich ghe-
executeert / alsomen van elcken int langhe wel breeder verriaeren sou-
de / maer mits der cortheyt vanden tijt / supersederen van eenighe pre-
ticularisacie.

XXV. Item wies oock ghebeurt is in anderen landen / steden / ende plaats-
sen / mach elck beseffen an hem seluen.

XXVI. Ten vierden / al ist dat by virtute vander selue receptie / t'landt be-
hoorde gehouden te wese in zyne rechten / preuilegien / en vryheden
dien niet teghenstaende de contrarie is ghebleken in vele manieren.

XXVII. Eerst is t'preuilegie van allen den landen int generale / en ooc van
den lande van Vlaenderen int particuliere / dat de staten en leden van
den landen vergaderen mogen alst hemlieden goet duncken sal / sonder
t'consent vanden heren vanden lande / omme te aduiseren en radersen
de welc

de wederaert vanden lande / om t'weelcke te belettene / duersche per-
sonen ghepractiseert hebben / de selue staten ende leden te stellen in ge-
scille / tweedracht / ende discorde / soo dat sy ter seluer vergaderinghe
niet en hebben conuen gheraken.

Item ende soo wanneer vergaderinghe gheweest heeft vanden le- **XXVIII.**
den / soo en hebben sy niet moghen communicueren ter weluaert van
den lande / maer alleen op openinghe ghedaen van Conincks vanden
Romeynen weghe / die altoos meer waren ten achterdele vanden lan-
de / als van settinghen / subuencien / ende ayden / dan ten voordele : ende
die communicueren wilde ter weluaert vanden lande / wert ghesus-
pecteert.

Ten tweeden is t'priuilegie vanden lande / en oock ghemeen recht / **XXIX.**
dat gheen erfachtich Prince / ende soo vele te min een momboir / geen
nieuwe munte slaen en mach / noch den voet veranderen / hoogen noch
nederen / sonder t'consent ende ouereendraghen vanden staten vanden
landen / en die daer mer ouer gheroepen behooren te zijne / daer of de
contrarie ghebeurt is / ende in sulckerwijs de munte verandert en ghe-
hoocht / soo dat de gegorde en rentiers verliesen de gerechte helft van
heuren goede / ende alle coopmanschappe ende victaille deen helft te
dierdere.

Item en dat meer is / heeft laten muntten binnen Brugge seker pen- **XXX.**
ninghen cours hebbende te ses grooten die luttel of niet betere en wa-
ren / dan de penningen van vyf groot en eenen haluen / om sekere cley-
ne sommen van penningen / daer of t'lant ende coopliden beschadicht
hebben ghezyn / alsoomen beuinden soude byder delirancie vanden
bussen ter somme van hondert duysent guldenen.

Ten derden is priuilege van allen den landen int genrale / en van **XXXI.**
Blaenderen int particuliere / dat de Prince vanden lande / en soo vele
min een voeght en momboir / geen nieuwe thollen op stellē en mach /
sonder consent vanden lande / waer af de contrarie gebeurt is vanden
thol van Breuelinghe die weder op ghestelt is / en veel meer andere.

Ten vierden zyn de landen ghepriuilegiert / dat gheen wtlandsche **XXXII.**
officien hebben en moghen / hoe wel ouerende der voeghdie / d'officien
ghestelt zyn inde handen vande wtlandsche / die de natuere vande lan-
den niet en kennē noch en beinnē / en ooc niet te verliesen en hebben
meer soeckende heurlieder singulier profijt / dan den ghemeenen oor-
boir.

B ij

Ten

XXXIII. Ten vijfften is noch privilege, datmen gheen officie verpachten vercoopen noch beleenen en mach, dies al ter contrarien ghebeurt is, en onder dat dersele de schamele ondersaten ghetrauualliert ende verexactioneert.

XXXIIII. Ten seften soo is t'lant geprivilegiert, dat de erfachtige heere vanden landen, en by dien noch min een voeght en momboir, t'lant niet belassen en mach van eenighen peticien, begheerten, of settingen, sonder eendrachtich consent vanden drie leden stants van Vlaenderen, soo dat de meeste menichte vanden leden t'minste niet veruange noch verbinden en mach: Dit niet teghenstaende, diuersche groote sommen van penninghen hebben omghesest geweest, meer dan oyt erfachtich Graue binnen desen lande gheheuen heeft; alsoot wel bliicken soude int ondersoecken, niet alleene inde quartieren daer sy gheconsenteert waren, maer oock datter noyt behoorlick consent ghediegen gheweest heeft, ghelijck int quartier vander Ouderburch en in andere plecken, en soo wanneer de arme lieden heimlieden daer teghens opposeerden in iusticie, en mochten niet ghehoort zijn, nemac waren rigoreuselick doen executeren by arreste van heuren persoon, vercoopinghe van heuren goedinghen, ende andere onredelike weghen.

XXXV. Item en soo wanneer eenighe quartieren daer tegens geopposeert hebben, en gheen consent en hebben willen dragen, hebben gedreycht gheweest metten volcke van wapene vander groter garde en andere, die niet alleene ter plecke daer gheene consenten gedreghen gheweest en hebben, maer vniuersalich in allen landen sulcke fortsen, violencie, oppressien, pillerien den armen volcke ghedaen hebben, dan van allen de subuencien die sy hebben moeten betalen.

XXXVI. Item als eenighe settinghen eendrachtelick gheconsenteert hebben gheweest by termijnen, zijn terstont by letteren van anticipatien, de penningen geheuen ofte ter finantie geuonden, soo dat somtijts eenen penninck drie ofte viere gecost heeft: Welcke anticipatien en financien zijn cause van multiplicatie van settinghe, soo dat de termijnen gualten zijnde, en de penninghen ghedissipeert zijnde, van noode heeft geweest nieuwe penninghen te vindene, in sulckerwijs dat dit lant ghesest is in continuele settinghen, subuencien en ayden: En indie daer inne niet voorsien en worde, de landman geschepen ware te schendene van synen pachte, t'lant te laten legghene onghecultueert en voghels weede, en alsoo alle ghegoede, geestelick en weerlic, edele en onedele, groot en cleyn ontgoet, en by dien de erfachtighe heere vanden landen arm ende onghedient.

Item

Item en omme eendrachtich consent te ghecrighene / soo zyn de pe- **XXXVII.**
ticien en begheerten gheleet gheweest met schoonen couleure / als ter
deffencien vanden lande / ten oorboire en profyte van onsen voorschre-
uen gheduchten Hiere den Hertoge Philips / en andere gelijche cau-
sacien / nemaer de consenten ghedrieghen zijnde / zyn de penningen ge-
dissipeert ten achterdeele vande lande / ende te singulieren profyte van
eenighe particuliere personaigen.

Item zyn oock somtijts omnestellinghen gedaen ten appetite van **XXXVIII.**
particuliere personaigen / sonder t'consent vanden leden / ghelijch int
quartier van Wierambachten / ten profyte van Jacob de Heere / int lant
van Welft ten profyte vanden Heere van Frennoet / ende anderen / dat
noyt ghesien ghewerft en heeft ten tijden vanden erfachtigen Heere.

Item alle dese saken ouerghenieret / en dat de leden / en sonderlinge **XXXIX.**
die van Ghent / ten diuerschen stonden prouisie ghesocht hebben an-
den Coninck vanden Romeynen / en hemlieden niet en heeft moghen
ghebeuren / heeft van noode gheweest / eerst den seluen van Ghent / en
naerder hant de andere twee leden Brugge en Ppere / hem te exemp-
teerne vander obeissance vanden Coninck vanden Romeynen / adhe-
rerende heuren eersten appelle t'anderen tijden ghedaen / byden welc-
ken sy persisterende zyn in possessie.

Item alle dese oppressien en ouerdaden ten platten lande ghedaen / **XL.**
niet genoegh zijnde / hebbe noch middele gesocht / omme intree te heb-
bene / ende te comen binnen der stede van Brugghe / en aldaer de in-
ghesetene vander stede met forscen te tracterene t'heurlieder wille / by
dien middele te continueerne en onderhoudene d'oorloghe / en te brin-
ghene de inghesetene in seruitute / die in voorleden tijde ghewoonlich
zyn te leuen in iusticie / vrijhede / coopmanschappe ende neeringhe.

En omme te belettene dat alle de landen onsen erfachtighen Prince **XLI.**
toebehoorende / byden middelen voorschreue / niet comen en souden ter
gebeelder desolacie en destructie / soo die wel geschepen waren te com-
mene / indien daerinne niet voorzien en worde: de goede ingesetene van
der stede van Brugghe / begheerende metten voorschreue van Ghent /
te aduoueren ende ten goeden ende eendrachtighen verstande te com-
men / hebben bedwonghen gheweest / omme den oorboir vanden ghe-
meenen lande / en profyt van onsen erfachtighen Prince : en boue dien
houden in goeder bewarenisse den edelen persoon vande Coninc van
den Romeynen / mitsgaders den anderen twee leden Ghent en Pprie /
Niet omme synen edelen persoon te verminderene ofte inuierere in
geuigen

eenigher manieren / want so de ghene sijn die wel weten ende kennen
dat hy vader is van onsen erfachtigen Prince / en in dien qualiteyt hem
alle eere en weerdicheit doen willen / alsoo sy behooren. Want de eere
die sy doen den vader / doen sy den sone / heurliedet erfachtighen Heere
en Prince. Maer alleene omme de landen te wachtere en preserue-
rene van gheheele destructie en desolacie / en voort omme eer te aduise-
rene en raiene op de administratie / regiment / en gouuernement vande
landen van onsen erfachtigen Prince / gemerct de groote overdaet / inus-
sticie en onrechtueerdicheit bouen genoemt / by middele van welcken
alsoo Philisophus seyt / quinto Politic: De rijken en regimenten van
den landen veranderen / ende werden ghetransporteert vanden eenen
volcke ten anderen.

XLII. Biddende v lieden / eereweerdighe Vaders in Gode / hooghe en mo-
ghende Princen / edele / weerde en voorsienighe Heeren / dies ic by la-
ste vanden ghe deputeerden vanden drie leden sants v liede vertooche
hebbe / dat niet te verstant en rapporteerne gheseyt zijnde / omme den
edelen persoon vanden Coninck vanden Romeynen eenichsins te in-
turiere of te vermindere / want soo bouen gheseyt is / hy vader is
van onsen erfachtighen Heere ende natuerlichen Prince / dien in die
qualiteyt alle eere ende weerdicheyt toebehoort: nemaer alleene als ter
materie dienende / ende omme te comen tot conclusie van desen
dachuaert.

XLIII. Ende omme in als dies bouen gheseyt is te remediere / by goeden
rade / aduise / en eendrachticheit / soo ist dat de drie leden sants gheaf-
fecteert zijnde / alsoot redene is / ter weluaert van onsen natuerlichen
Prince ende allen synen landen / hebben geuonden te rade / v myn Hee-
ren / by heuren letteren te vergaderen binnen deser stede.

XLIII. Erst myn Heeren / indien v lieden gelieft daer toe te voeghene / en
den lande te stellene in vreden / en ten onderhoude vanden paerse van
Branchricke / ghemaect int iaer tweentachtentich / by v lieden en ons
beswozen en bezeghelt / ghesaender hant te sendene een notabele Em-
basade byden Coninck van Branchricke / ter verskerthede vanden
seluen.

XLV. Ten anderen / omme te procureren dat van ghelijcken regemente
als vooren ghenemt staet / niet meer en ghebeure / en te verstant tot
eenen anderen goeden regemente by Princen en Heeren vanden ede-
len lande van onsen erfachtighen Prince en staten vanden lande / soo
dat

et cetera

ne consente. En in dien gheualle te aduiferene op een eerbaer onder-
houd ende pencieon vanden Coninck vanden Romeynen / vadere van
onsen erfachtighen Prince.

Ten derden t'aduiferene vander bewaernisse van onsen hardenghe: XLVI.
buchten heere en natuerlichen Prince / dat hoogste exquisiste trefsoir
to / ende t'lieffte / soo redene bemist / dat wy in deser werelt hebben / soo
dat van zynen edelen persoon sulche bewaernisse ghedaen worde / dat
hy niet ghetransporteert noch veruoert en worde byten den landen /
welcke zyn soude t'meeffe verlies dat den lande van herwaertsouere
souden moghen comen.

Ten vierden te aduiferene by wat middele men soude moghen doen XLVII.
vertrecken alle volck van oorloghe ende garnisonen / ten fine dat wy
voortaen souden moghen leuen in paerps / eendrachticheit / roopman-
schappe en neeringhe / ende by dien middele gherrighen eenen goeden /
vasten / generalen ende ghestandigen paerps / van binnen / van bytē /
ende alomme / ter cere ende locue van Gode almachtich / ter weluact
van onsen erfachtighen Prince ende synen landen.

275

1874

Hier naer volcht teffect vande propo-
sitie, by maniere van antwoorde, ghedaen byder
mont van meester *Willelm Zoete Pencionaris van*
Ghent, wten name vanden drie leden slandts van
Vlaenderen, den sondach xxvij. in April, anno
xiiij^e. achtentachtentich, op de propoficie sdaechs te
vooren ghedaen by meester *Pieter Pencionaris van*
van Remerswale, wten name vande gedeputeerden
van mynen Heeren vanden bloede ende staten van
den landen van *Brabant*, *Henegouwe*, *Zeelant*,
Namen, mitsgaders de steden van *Valenchienes*,
Rijffele, *Douay*, *Oudenaerde*, *Aelst*, *Sluys*, *Begem*,
Veurne, *Nieuupoort*, *Dixmude*, *Greuelinghe* ende
Borbourch.

Erst deelde de voorschreuen meester *Wil-* I.
lem om de cortinge vander expositie vander voorschreuen mee-
ster *Pieter*, in twee poincten sonder meer, daer of d'een was
d'excusacien van mijn Heeren vande bloede, van dat sy in heuren pre-
foonen ter dachuaert niet comen en waeren: t'andere de begherte die
ons natuerlijke Prince Hertoge *Philips* ende sy met hem dede van
der delirancie vanden Coninck, segghende dat sy gheen last en had-
den yet te procederene inder materie, de Coninck waere alder eerst
ghestelt wten arreste, in vrijheyt ende liberteyt.

Ende omme daer op te antwoordene, ende eerst op t'eerste poinct II.
noopende de voorschreue excusacien, was gesept, dat de presentie van
mijne voorschreuen Heeren vanden bloede seer wel gedient hadde om-
me der dachuaert auctoriteyt, ende materie adresse ende voorspoort te
gheue, ende dat daerom de leden wel ghewilt hadden dat heere ghe-
liefte gheweest hadde daer te comen, en aldaer welcomme ghe-
weest, alst recht is, ende altoos sullen welcomme wesen, ende niet
min en twijfelen niet, dat waer sy zijn absent of present, sy en sullen al-
toos vele deuchden doen, om de weluaert vander sake, ten profitte
van

van onsen natuerlicke Prince, die een ionghe weese is, ende in wien sy als bloet en oock als onder saten gehouden zijn, meer dan vemant die leeft, naer alle rechten, Goddelicke, natuerlicke, cannonelike, ende ciuile, ende oock byden capitele vander ordene selue, die sy theurder ex-
cusacie voortghesiet hebben.

III. Ende op t'ander point; noopende de begheerte vander deliurantie vanden Coninc voor alle werck, was voortgeseyt, dat dat point t'eerste noch prealabelste niet en was, omme te comenene ter deuchdelicken finen daer toe men tendeert, maer was, ende is eerst noodt te procederene by ordonnancien, ende dat by drie pointent' anderen tijden gheopent, te wetene op d'eendrachticheden ende vnie van alle den landen, op den paeps van Brancirucke, ende op de reductie vander politie vanden seluen landen, omme die weder te bringhen in heure eerste natuer.

IIII. Want anders te procederene soude zijn te peruerteren en verdrapen de ordene alreede beghonnen, de welcke de staten t'anderen tijden gheaccepteert hadden, byde mont van meester Groot Hoelants Pensionaris van Brueffel, segghende dat die van Vlaenderen wel gemoet waeren, ende goede cause hadden alsoo te procederene, want het gheen dat sy voorstelden waerachtich was, en soo Godlich, soo deuchdelich, en soo redelich naer de ghelegentheden vanden stucken, als dat sy niet alleene, nemaer ooc elck kerste mensche dat schuldich was aen te gaene, en met diligencie te wercke te leggene, daer toe voegghende dat die vanden ander lande daer of soo wel gebrech hadde als die van Vlaenderen, ende dat in Vlaenderen soo vele onredelicheden ende ex-actien en ghebeurden, daer en wasser al vele meer ghebeurt in anderen landen.

V. Inghelicks te Brueffele daer de articulen vander voorschreue eensdrachtichede ende vnie ghelesen waren, was gheseyt, dat elck int zijne rappoort daer of doen soude, met hem draghende de copie vande selue articulen, ende comen volmaectelich ghelast te Ghent den neghenden dach van deser maent, omme daer op te besoignerene cude te sluten, sonder dat vander deliurantie vanden Coninck yet gesproken was, byder manieren alsoomen die nu begheert.

VI. Was voort gheseyt, dat de deliurantie vande Coninck niet oorboorlick en was, noch profitelich der materien met protestatien, nochtans wieser of gheseyt was ofte gheseyt soude worde, dat dat niet verstaen
en wor

en worde anders dan bliuende ter materien / ende niet omme den Coninck of pemant anders te iniurieren of te verachten.

Want men is wote omme den landen te brenghene in vreden / paepse VII. ende eendrachticheden / ende hy heeft altoos wt geweest / ende noch is / omme dese landen in diuise en in gheschillen te houdene / en niet alleen de landen / nemaer ooc de particuliere steden / en t'volck / en gebueren d'een tegē d'andere / wel wetende dat hem onmogelick ware andersins daer in te meughen regierne naer zijne ghenoechte / ende omme de vreemde te houdene int regimente vanden lande / ten lasie vanden goeden inghesetene ende proffijte vanden seluen vreemde.

Ende noch daer light in verseeckerhedē / soo ne ressert hy niet met VIII. brieuen ende met gheschreften te solliciteerne omme dese dachuaerden te brenghene oft te belettene / arguerende den eenē van zijnen cene / diegenen den anderen / soo datter vele zijn die hier niet comen en dorren / en andere niet opentlicken en dorren spreken / noch heuren last verdoogen.

Ende dat meer is / heeft gheschreuen dat de paepsmakers niet doen en sullen / het welck een trycken is dat hy den paeps ende weluaert altyts beletten wille / ende gheen paeps en bemint.

Was voort gheseyt dat de voorschreuen van Vlaenderen vele maten X. rien ende causen hadden hem in arreste te houdene / sonder alnoch te procederene te zijnder deliurancie tot anderstont dat van dier materie ghedecideert sy.

Want eerst soo is hy comen in Vlaenderen ghewapender handt / XI. sonder eenighe cause of redene / barnende / blakende / sluytende de riuieren ende passaigen omme dat te Ghent gheen lijfsocht comen en soude / hanghende aen boonen den eenen / vermoordende den anderen / renthonnerende ende pilgerende den derde / ende alle andere exploiten van oorloghe doende alsoo de vianden plegghen / Ende van daer is hy getrocken te Brugge / omme het volck aldaer oock te verueldighen en zijne garde daer inne te stellene / treckende inden Houtch ghewapender handt / met opene bannieren en met machte vā volcke / met pijcken ende met andere slocken / ende by dien de selue stede (die een schoone roopstede is) oock in oorloghe te brenghene teghens de voorschreuen van Ghent / soo dat daeromme / ende omme de groote violentien die hy daer inne voorboorde / het selue volck bedwonghen is geweest hemlicken te rijene teghens den seluen Coninck / ende heeft alsoo gheeyt.

gherplootert dat hy comen is in handen vanden desen leden.

- XII. Mits welken eenighe willen mainteneren dat hy is prissonier de
XIV gheert ende renehonnerlick te wille, ofte immers bedwingelick te re-
mitteren ende te restitueren de branden/schaden/ende interesten die
hy zynen soe doene int lant ghebeurt zyn/grootelic in preludien van
onsen natuerlicken Prince ende van synen ondersaten: ende tot daer of
ghedecideert sy hy mijnen voorschreuen Heeren vanden bloede in sta-
ten/soo hebben de drie leden goede cause hem al noch te detinerene.
- XIII. En dient niet datmen soude willen segghen, dat hy int lant com-
men is met machte omme te reducerene zyne rebelle ondersaten ofte
XIV meutmakers, behouden zijnder weerddichert ende hoochert, hy en is
XIV gheen Prince vanden landen, ende en heeft gheen recht van proprie-
teit, noch andere, inde selue landen, hoe wel dat hy t'anderen tyde ver-
socht heeft daer in ontsaen te wesene als Heere, mits die en heeft oock
daer gheen ondersaten.
- XIII. Ende oock dat sy de voorschreuen van Vlaenderen, hadde van hem
ende van zijnder macht gheappelleert, ende hielden hen seluen exempt
van zijnder voorchdie en administratie, presenterende hemliede daer of
te rechte te stane voor heuren Souuerain den Coninck van Brancrjck-
ke/dienen niet alleene van reparacien van grieue, nemaer vander pro-
prieteit van Vlaenderen t'anderen tijden ghekent heeft, het welck
gheen rebelheyt en behoort gherekent te zyne, want appellacie is ghe-
weest deffencie quæ est de iure naturali, en elcken is ghcoorloft hem by
iusticie te beschuddene.
- XV. Ende ghenomen/maer niet ghekent, dat hy erfachtich Prince ghe-
weest hadde/dat hy niet en is/soo was den voorschreuen van Vlaende-
ren wel gheoorloft te risene teghens hem/ende te wederstane de groos-
te ouerdaden ende violentien die hy den lande dede, sonder vemande te
ontfanghen in iusticien ofte in rechte, want omme sulcke ouerdaden/
soo Aristoteles seyt quinto Politicorum, werden de regimenten ende
Coninckrijcken ghetransporteert, de gente in gentem.
- XVI. Ende alsoo ist dickwils ghebeurt, alsoo wel ouer het volck van
Israel als ouer de Grieken, ouer de Romeynen, ouer de Fran-
choisen, ouer de Duytschen, ende alle andere nacen, de welcke
dickwils heurlieder naetuerlicke Prince ofgheselt ende verstenen
hebben, omme heurlieder ouerdaden, ghelyck als Jeroboam onder
die

die Iſraeliſten / Merco onder de Romeynen / Childeſic onder de Fran-
choyſen / Wencellaus onder de Duytſchen / Hernout de ſimpele
ende Robrecht van Normandie onder de Vlaminghen / ende andere
onder andere.

Ende en is niet vreemde / want alſoo gheſchreuen ſtaet Jeremie 22. XV II.
Alle Princen zyn ghehouden tot die ſaken / te wetene / doene elcken
recht ende iuſticie / te beſchuddene dattet bloet vande onnoſele niet ge-
ſtoort en ſy / ende te ontheffene den armen van oppreſſie ende onredelic-
ke laſten / Ende als ſy de contrarie doen / ſoo valt op hemlieden de in-
dignacie ende plaghen Godes / ende heeft dan oock t' volck goede cauſe
teghens hemlieden te rylene.

Item de heylighe decreten van ſaulptenſchepe / die een Vaſſael doet XV III.
zynen Heere ſegghen / dat alſoo een ſubiect oft vaſſael ghehouden is
zynen Heere trouwe ende hulpe te doene / ſoo is oock de Heere gehou-
den te beſchuddene ende te beſchermene zyn vaſſael ende zyn goet / en
hem te houdene in paerſe / in ſcherhede / ende in iuſticie : ende als hyt
niet en doet / de vaſſael is quyte ende ontlaſt van zynen trouwede ende
hulde / ende de Heere verliet zyn leen als daer of onredelick gheuſeert
hebbende.

Item het decreet ſegt voort in ca. militaire 239. Dat al t' gheene dat XIX.
een Prince neemt op zyne onderſaten / bouen het gheen dat hem van
ouden tijden gheſtelt ende geconſenteert is om zyn redelick onderhou-
den / dat is / rapyne roof calumpnie ende cas van concuſſie / ende is be-
dwinghelick dat te reſtituerene ende weder te gheuene.

Ende aldus is ghedeclareert en gemonſtreert d'eerſte cauſe vander XX.
detentie vanden Coninck.

D'andere cauſe is / want alſoo elck weet ſoo heeft hy ſoberlick ghe- XXI.
adminiſtreert zyne voochdie / ende heeft ghediſſipeert alle de inweelen
vā zynder weefe / onſen natuerliche Prince / die hem ſeluen niet verant-
woorden en can / zyne demapnē beſaſt / en groote exceſſiue ſomme van
zynen lande gheheuen / en en is niet te bemoedene ofte twyfelene dat
myn Heeren vanden bloede en de ſtaten ſullen laten varē onder diſſi-
mulacie het groote onuerdragelick verlies / dat de voorgeſchreuen onſen
natuerliche Prince en zyne lande daer by genomen hebben en nemen /
maer in quytteniffen van heuren eede ſullen willen daerof hebbē recc-
keninghe / bewijs v reliqua / alſoot wel redene ende recht is.

a ij

Item

XXII. Alen tot andersont dat dit gedaen is / of dat mijn voorschreuen Heeren ende staten daer of verclaert sullen hebben heure goede belieste / soo hebben de voorschreuen van Vlaenderen als goede ende ghetrouwe ondersaten wel materie ende cause hem te doen houdene / specialicks dat hy gheen satisfactie ghedaen en heeft / noch sekere vander administratie van zijnder voorchdie.

XXIII. De derde cause / want byden paepse vā Brankhe / anno tweentachtentich / soo staē de ondersaten vanden Coninck van Brankhe ende van desen landen verbonden te scheidene vander obersance vander gheenen die den seluen paeps imbrekē / ende adhereren den anderen die den seluen paeps onderhouden soudē: nu ist so dat de voorschreuen Roomsche Coninck den paeps ghebrooken heeft / ende midts dien soo hebben de voorschreuen van Vlaenderē goede cause / ende zijn by heuren eede bedwonghen / den seluen Coninck in arrestet houdene / tot dat vander seluer infractie gederideert sy / ofte ten minsten tot alle de voorschreue landē hemliedē verclaert sullē hebben omme den seluen paeps.

XXIII. Ende by dese ende andere redene soo was voort gesept / dat niet oorboit of proffitelit en is als noch te procederene ter deliurancie vanden voorschreuen Coninck / nemaer dat noot is eerst te communicquerene ende te slutene op tstück vanden voorschreuen vrie ende eendrachticheide / ende ooc op t' verclaers vanden seluen paepse / ende dat ghedaen / soo soude de deliurancie vandē Coninc commē al minnelick van selfs / op dat de voorschreuen Heeren vanden bloede ende staten gheliefde.

XXV. Ende omme hemlieden solucie te gheuene: eerst daer sy segghen dat onse natuerliche Prince / wt ionstiger minnen die hy draecht tot zijnen vadere / seere begeert de deliurancie van zijn vadere / en datmen op die begheerte schuldich is en behoort seer groote consideracie te nemene.

XXVI. Was gheantwoort / dat wel redelick en natuerlick was dat de sone minne hadde tot zijnen vadere / maer is noch redelicker en natuerlicher dat de vadere noch meerdere minne hebbe tot zijnen sone / quia nullus amor paternū vincit L. fi. C. de cura fu. & est ratio secundum. And in addi. Spe. sup. Rep. de feudis / quia pars patris manet in filio / et non e contra / en mits diē so behoortmē vele meer te wegene het geene dat de vadere qualick doet in preiudicie vanden sone / dan de hinderliche affectie die de sone heeft tot zijnē vadere / niettemin de materie daer toe gereet zijnde / de voorschreuen van Vlaenderen sullē daer in / en in alle andere saken / den voorschreuen onsen Prince ghelieven.

Daer

Daer sy voort seggen / dat alle contracten gemaect in vangemisse / **XXVII.**
en houden gheene stede / ende mits dien al datmē metten Coninck be-
soingneren soude / soude zyn van gheender werden.

Was daer op gheseyt dat hem dat verstaet / nisi culpa sua vel iusta cau- **XXVIII.**
sa detenus fuerit. per Bar. in L. qui. in. carcerem ff. Quod met. cau. ende al-
soo ist oock gheuseert.

Want veele Princken hebben dickwils groote tractaten ghemaect **XXIX.**
in vangemisse liggende / die nochtans althits stede ghehouden hebben /
als de Coninck Jan van Brancricke gheuangen in Inghelant / gaf
ouere vele Graeffschepen als Pottiers ende andere: de Coninck Reg-
nier geuangen byden Maerschalck van Bourgongien gaf ouere Her-
toghe Philips Casselle ende Casselambocht / en also van meer andere.

Nu ist soo dat de voorschreuen Coninck comen is in handen by **XXX.**
zijs selfs toedoen / ende by dat hy hostiliter comen is ghewapender
handt in Vlaenderen / alsoo vooren verhaelt is.

Niettemin hoe dat sy / de voorschreuen van Vlaenderen en verstaen **XXXI.**
niet / dat omme te makene goede vaste aliancie / vrientschap / ende een-
drachticheit tusschen den lande / mitsgaders den Heeren vanden bloes-
de / ter eere ende proffijte van onsen natuerlichen Prince / en weluaert
vanden seluen zynen landen / noot sy vet te besoingnerene metten sel-
uen Coninck / noch zyn aduen of consent daer op te nemene.

Want hy is partije in tselck / by dat hy hem seluen attribueert recht **XXXII.**
van proprieteyt inde selue zyn soons landen / hem seluen attitulerende
Hertoghe / Graue / ende Heere / voerende de wapene van dien / erpe-
dierende alle sake / en doende munte slaē in zyns selfs name / sonder van-
der voochdie van onsen Prince zynen sone eenichsins mentie te makē.

Ten anderen is hy cause en oorspronck van alle de quaden ende de- **XXXIII.**
fordie / diemen gheerne remedieren soude / ende hoe dat sy de voorschre-
uen van Vlaenderen ne willen met hem niet besoignerē van saken den
landen aengaende / by dat sy hemlieden exempt houden van zynen pers-
soon / ende gheappelleert van zynre administratie.

Daer sy voort segghen / dat sy vanden bloede ende ghedeputeerde **XXXIII.**
vanden staten vanden anderen landen / van anderen condicien zyn dan
die van Vlaenderen / sonder het resort / ende auctontept van te moghen
appels.

appelleren of exempt t'houden / ende mits dien en comen of en mo-
ghen niet besoigneren sonder den Coninck.

XXXV. Was daer op gheantwoort / dat al macht soo zijn dat de landen ouer
het Keyserrijck gheen resort en hebben of auctoriteyt van te moghen
appelleren / nochtans hebben de staten heurlieder auctoriteyt ende ma-
niere van doene ouer de voorschreuen ouerdadē ende excessien die heu-
ren Prince hemliē doen / en hebben niet gheploghen daer ouer te roe-
pene de selue Prince die partie zijn int slich / nemaer remedieren daer-
inne by hem seluē / cum Imperium omne, omne Regnum, omnis Ducatus,
Comitatus omnis & ceteræ dignitates sint iura reipublicæ, nec possint se-
parari a republica vnde orta sunt, & suum vigorem obtinent. vt dicunt Bar.
in titu. de feu. ma. duca. & comit. coll. x.

XXXVI. Ende dat meer is / alle de landen van herrewaertsouē zijn ghepre-
uilegeert by expressen preuilegien / te vergaderen t'allen tiden als sy
willen / confederacien ende allancien te makene ten voordele vander
policien / ende te beletten dat in heure Rechten / preuilegien / en vry-
heden hemlieden geen hindere noch inbrake gedaen en sy / sonder daer-
op te nemen t'consent vanden Prince.

XXXVII. Niettemin de voorschreuen van Vladerē en verstaen niet datmen
nu maken willen cenige allancien oft confederacien in preiudicie van-
den Prince of Princelicheden / marre grootelicks tot zynen voor-
deele / ende dat de arme ondersaten voortan niet meer aldus getraualt
leert en worden.

XXXVIII. En en is gheen wonder / want de selue landen zijn landen van coops
manschepe / onder eenen Prince / van eender natuere / van eender poli-
cie / en inest al van eender tale / en soo naer belant / als dat d'een qualie
eenich quaet of grief beseffen mach / d'andere en moetet gevoelē / ende
mits dien soo zijn alle eendrachticheden ende goede consideracien hem-
lieden wel sittende / want metter schepdinghe ende diuisie / soo gaen en
zijn sy alle verlooren ende te nietten / soo voorschreuen is.

XXXIX. Daer sy voort segghen / dat de Coninck by eede / wter stede daer hy
wert / beloeuen soude niet te schepdene / voor anderstont dat alle saken
in oordene ende in reghele ghestelt sullen werden.

XL. Was gheantwoort / dat dit was te vallene al eodem in idem / want
ghene differentie en is omme naermaels fortse te mogen allegerene
te zyne

te zijne in arreste vanden leden / oft bedwonghen te zijne by eede in
eene plecke te moeten blijuene / want hy niet vrij en is die niet en mach
gaen daert hem belieft / L. Qui neque ff. de verbo signif. & ibi scđum Iaco-
bum de, Aretio.

Niettemin de voorschreuen van Vlaenderen en souden hemlieden **XLII.**
nimmermeer willen of dorren betrouwen op den eedt oft belofte van-
den voorschreuen Coninck / om de groote gebreken ende faulten die sy
dickwile daer in vonden hebben / ende by speciale / dat hy niet ghehou-
den en heeft een simpele point van al dat hy vā zijnder blijder Incom-
ste den landen beloofde / noch oock vanden paepse die hy met die van
Vlaenderen maecte / noch oock vanden paepse van Brancrkiche / die
hy soo solempnelich beswoer op t'heylighe Sacrament / ende op t'hout
des heylighen Cruce / in zijne libertē zijnde / nemaer terstont daer naer
verclaerde binnen der stadt van Leuene dat hy die ghemaecht hadde
teghens zijnen danck ende wille.

Ende dat meer is / dede eenighen ontlijuen / sonder figure van pro: **XLII.**
cesse / omme dat sy hem metten paepse ghemoeyt hadden.

Daer sy voort segghen / dat de Coninck bouen zijnen eedt geuen sal **XLIII.**
zijne brieuen van beloften.

Was gheantwoort / dat sy hemlieden aen zijne brieuen niet en sou: **XLIIII.**
den willen houden / omme ghelijcke ghebreken die sy daer in vonden
hebben / ende dat hemlieden noeyt niet ghehouden en was van dat hy
beloeft of bezeghelt hadde.

Daer sy voort seggē / dat noch in meerder verskerthede / mijn voor: **XLV.**
schreuen heeren vanden bloede / ende alle de staten met hem zeghelen
souden.

Was insghelijcx gheantwoort / dat dit niet en dient / omme gelijcke **XLVI.**
twijffelen die de voorschreuen van Vlaenderen daer in maken / want al
ist dat de voorschreuen vanden bloede ende staten bezeghelt ende be-
sworen hebben den voorschreuen paeps vā Brancrkiche vanden tare
tweentachtentich / ende nochtans wt vresen ende wt ionsten die sy heb-
ben tot den Coninck / en hebbē sy heuren eedt ofte bezegelheden niet
willen of dorren onderhouden / nemaer hebben geadhhereert den seluen
Coninck int oorloghen dat hy daeromme voert teghen de Francon-
sen / ende zyn ende blijuen noch in dat erreur / niet tegensaende dat de
Coninck

II. Coninck in verscherthede is/sonder hemlieden te willen verclaren an
den seluen paeps.

XLVII. Ende ghenomen datmen niet heurlieder bezeghelheden te vreden
ware. soo ne segghen sy niet dat heure zeghelen hier ghereet syn/ ende
fouden die moeten practyckieren ende gehaelt syn van langher hande/
ende ter auontuere souder veel syn die de selue zegelinghe niet en sou-
den willen noch moghen cōsenteren. Het welck oock een wonderlick
delacp inbrengghen soude/ ende groote verachtcinge vander materie.

XLVIII. Daer sy segghen/ dat ware de Coninck ghedehureert/ hy soude ter-
stont de garnisoenen van hulsf ende van Benremonde doen vertrec-
ken/ ende oock senden tegen den Kepsere synen vader/ ende den hee-
ren van Almaengen/ dat sy de groote waepeninghe die sy opghestelt
hebben ende nederbringghen/ elders beleeden willen.

XLIX. Was geantwoort/ dat byden propooste vande propositie wel blyet/
dat de Coninck cause is datmen t'lant van synen sone aldus verderft
by viande ende anderffins/ want naer dat het remedieren mach ende
niet en remedieert. soo schijnt wel dat hy wille datmēt aldus doet: oock
hebben die van Vlaenderen ghenoech besuen by bueuen die sy daer
of ghesien byden Coninck gheschreuen ende geteekent/ dat hyt hem-
lieden last aldus te doene.

L. Niettemin sy ghedragen hem in t'gheene datter of commen mach/
ende moeten en willen wel ghenieten sulcke oorloghe als men hemlie-
den sonder cause doen wille/ en is t'lant alomme int Ghentsche wel
soo verdoruen/ als dat cleyn dinck is het surplus te abandonneren.

LI. Ende also vander macht vanden Kepsere/ sy willen die oock gheer-
de verheyden/ ende en is hemlieden niet nieuwte te sien commen van
Vlaenderen de macht van grooten Princen om hemlieden te subiuges-
rene of hinderen te doene. want t'anderen tyden/ ende seer dichtwoyle/
soo hebben de Francosyn hier gheweest niet dertich oft oertich dūp-
sent te gadere/ so doen oock de Ingelschen/ ende oock Duytschen/ en
hebben vele groote bloetstortinghen ende bataillien tusschen hemlie-
lieden geweest: altemet te winne altemet te verliese/ nochtans is altijt
Vlaenderen Vlaender ghebleuen/ en Ghent Ghent/ ende Brugge
Brugge/ en en syn de Vlaminghen niet ghecommen in sulcken se-
wuten als daermense gheerne in ghebrocht hadde/ nemaer syn altoos
ghebleuen in heure rechten/ vrygheden ende possessien.

T'anderen

Tanderen tijden so quamen in Vlaenderen, Hendricus de Heysere, LIX
ende hadde strijt metten Graue Aoudewijn van Aisele, nemaer hy
wert besooten byder riuere, ende eyndelick hy maechte paeps metten
seluen Graue, ende gaf hem t Graefscap van Haelft, ende eylanden
van Walcheren, swijt ende noordt Heuerlandt, Dorsele, ende al dat
licht tusschen eyden zee, die deur en in Wulpen plecht te strecken, ende
der scheide: twelck een teeken is dat de Vlaminghen hemlieden niet
onfien en hebben, byder hulpe van Gode, ende heure goede querele,
heurlieder lant te beurdene tegens den Heysere, ende sy en zijn nu niet
van sulcher minder crachte dan sy doe en waeren.

Ende al by dese redenen, ende by spectale dat geen proffut noch oet, LII
boit en ware den Coninc te deluerene, vort onder stont dat alle saken
bet versckert waeren, oock meer dat difficil ende lanch werck wesen
soude te gaen practijckeren de voorschreuen bezeghelheden, ende dat
dese saken haest begheeren, soo dat elcken dach een iaer schijnt, alsoo
de voorschreuen meester Pieter wter name als bouen selue gheseyt en
verthoocht heeft, ende dat de materien al ghycreet zijn, soo datter niet
en ghebreecht dan consent ende verclaers.

So badt, en versochte de voorschreuen meester Willem, inde name LIII
als bouen, dat de voorschreuen gedeputeerde sonder op dit point lan-
ghe te insistiëren, procederen wilden tot maken vanden voorschreuen
eendrachtichede, en verclaerse vanden paense, als t eerste ende preala-
belste, ende daerop de voorschreuen vergaderinge principalick gefon-
dert is: ende heure ghedeputeerde last ghenomen hadden rappoort te
doene, ende te commene met vollen laste omme op al te sluytne, want
dat doende, de saken commen sullen in aller versckertheden, ende by
dien so sal de deluerancie vanden Coninck commen van selfs ende son-
der eenige difficulteyt, de welcke sy van Vlaenderen niet beletten en
willen, alst tyt wesen sal, ende wel versckert zijn.

Hier naer volcht den Paey's, besvvoeren
by mijn Heere den Coninck vanden Romeynen
Maximiliaen, den xvi. in Meye, Int laer veertiens
hondert acht ende tachtich.

Maximiliaen byde gratie Godts Roomsche
Coninck, &c. Doen te wetene alle de ghene die nu zyn, ende
naermaels wesen sullē: Dat om af te legghene, en tē God:
delicken en druckdelicken paepse te bringhene / alsulcke gheschillen/
twisten / ende diuisien als sichent half Ougst heerwaerts gheresen/
ghespruyt / onderhouden ende achtervolcht zyn geweest, tusschen ons
ter eender zijde / ende den inghesetene vander stede van Ghent / mis-
gadens d'inghesetene vander stede van Brugge ende van Ypre / ad-
hererende de voorschreuen vā Ghent, representerende t'samen de drie
leden lants van Vlaenderen / ter andere / Duersehe communicatien
met consente van ons g'ehoude hebbē geweest / tusschen onse schoone
neue Wdolph van Cleue Heere van Raustain / ende Mer Philips
zonen sone / ende de Heere van Beuren oock ons neue / misgadens
de staten vanden lande van Brabant / Henegouwe / Holland / Zee-
landt / Namen / ter eender zijde / Ende de statē van Vlaenderen ter an-
deren / soo verre, dat by middele ende tusschen spreken van eenighe, ter
eere ende weerdicheide van Gode / opperste Coninck / en aucteur van
paepse, compassie ende medeliden hebbende / op toerlics ende stormin-
ghe vanden kerste bloede / ende op de groote en onuerbrekelycke schas-
de ende interest, die byde voorschreuen gheschillen en diuisien / claghe-
lick gheschiet zyn / ende noch meer waren gheschepen te gheschene /
al ten laste en achterdeele van onsen harde ghenadighē sone Philips
Hertoghe van Oosteneijche / en van zone voorschreuen landen / ende
ondersaten: Nu als deghene die meer te paepse zyn gheneghen ghe-
weest / dan andersins / hebben metten insctenen en ondersaten van
de voorschreuen landen ende graeffschappe van Vlaenderen / ghees-
telick ende weerlick / eenen goeden / vaste / ghesadigen / en eendracht-
sighen ende ewighe paeps ende vrede gheim iect / Mits sekere / heers-
licke / openbare reparacie / die ons die vander stede van Brugge ghes-
daen hebben / ende de pointen ende condicien hier naer volghende.

Erst, dat de drie leden lants van Vlaenderen / hebben beloest /
ende sullen ghehouden zyn ons te stellen op onse voeten / ende in on-
se vryheyt ende liberteyt / om terstont te verreckene daert ons gelieft:



Dics

Dies sullen wy laten in verskerthede / in vraghen vander stede van Brugge / de Marcgraue vā Bode / en de Hertoghe Christoffel van Beyerē: En binne der stede vā Gent / Mer Philips van Cluē: De welcke Marcgraue / Hertoghe ende Mer Philips / ter bede en be- gheerte van ons / sullen voeren op t'heyligh hout der Cruen / en op t'heylighe Euangelie / ende oock op heyligher eere ende troste / dat sy wt de voorschreuen steden niet scheyden en sullen tot andersont / dat alle de poincten ende articulen / begrepen in dese teghenwoordi- ghe paeps / wel ende deuchdelich / volcominen sullen wesen: Ende noch in meerder verskertheden / hebbe begheert ende ghebeden den voorschreuen Mer Philips / dat waert sake dat wy eenichsins in ghe- bricke warē te volcominen de voorschreuen poincten / oft dat yemā- de / wie hy ware / in fauere van ons ofte anderssins / hem veruoe- derde eenich belet daer in te doene / dat indien gheualle de selue Mer Philips / scheydende van ons / assiste ende bystaet / de voorschreuen van Vlaenderen / met alle syne macht ende cracht teghens ons ende alle de onse / ende ontlasten den seluen Mer Philips van alle eeden ende beloften / die hy ons ghedaen mach hebben / Ende van dit al- dus te doene ende te volcomine / sal den voorschreuen Mer Phi- lips eedt doen / ende gheuen syne brieuen den voorschreuen van Vlaenderen / sulck als daer toe dienen ende toebehooren sullen.

II. Item bouen dien hebben gheconsenteert ende gheordonneert / consenteren ende ordonneren de ghedeputeerde vande staten vanden lande van Brabant / Henegouwe / Zeclant / Namen / ende vander ste- den van Valenchiennes / Ayssele / Douay ende andere teghenwoorde- lich vergadert inde stede van Ghent / dat sy niet en scheyden wt der seluer stede / nemaer daer bliuen staetgewijs al of som / tot den paeps van vreden ende aliancie / tusschen den landen / ende alle andere poin- ten deser materie aenghaende / ghesloten ende verskert sullen wesen.

III. Item hebben beloest ende belouen by desen / terstont te doe ceste- ren al volck van wapenen van onser zyde / van alle exploiten van oorloghe / ende tselue volck / mitsgaders alle onse garnisoenen te doen scheyden ende vertrecken wt Vlaenderen / binnen vier daghen / naer dat wy in onse vrijheyt ghestelt sullen worden / ende binnen vier da- ghen daer naer / wt alle den lande / ofte eer ist moghelijk / ende sal soz- ghen ende beschudden / dat tselue volck in zyn vertrecken / noch onder- weghe / en sal bezien / pilleren / roouen / renconneren / noch eenich an- der quaet doen inde selue landen / En ooc datse geene geuangenē met heylighen leiden en sullē wt Vlaenderē / nemaer sullen gehouden zyn te stellen ten redelicken ranfcone / sonder die te mogē veruoren.

Item

Item/ ende waert dat hy ter contrarie dede/ so salmen de schade IIII.
daer af verhalen op t'pensioen dat ons die van Vlaenderen geconsen-
teert hebben/ ofte consenteren sullen.

Item de voorschreuen van Vlaenderen sijn ghehouden / insgelijc v.
te doen cesser en heurlieder volck van wapenen en garnisoenen van al-
le exploiten van oorloghe/ ende de selue te doen verskeren ende ver-
trecken wt allen den landen/ ende sullen bewachten dat van hem-
selden de selue landen gheen quaet oft achterdeel toecommen en sal.

Item/ ende ten eynde dat wy te bet sullen moghen doen scepden/ VI.
ende vertrecken ons voorschreuen volck van wapenen ende garnisoe-
nen/ soe hebben de voorschreuen staten van allen den landen/ ons ge-
consenteert/ de somme van vijfuentwintich duysent ponden/ van xl.
grooten t'pont/ met condicien/ dat waert tselue volck ende garnisoen
niet vertrocken wt alle de voorschreuen landen/ binnen den voorschre-
uen tijdt/ dat indien gheualle de voorschreuen vijfuentwintich duysent
ponden beheert sullen sijn in betalinghe van andere volcke van wape-
ne/ omme met crachte (op dat anders niet wesen en mach) het voer-
schreuen volck te verskeren ende veriaghene/ volghende de aliance
die daer af is tusschen alle de voorschreuen landen.

Item voort consenteren ende sullen ghehouden sijn terstont te stel VII.
lene alle de sloten/ stercken ende plaetsen vanden lande ende grafssche-
pe van Vlaenderen/ inden handen vanden Heeren vanden bloede/ ten
profyte van onsen harden lieuen ende beminden sone/ omme daerinne
gheselt te sijn sulche casteleyns ende officiers alst behoren sal/ naer
de rechten ende priuilegien vanden lande/ ende hy aduise ende consen-
te vanden drie leden/ achtervolgende de voorschreuen alliancie.

Item ter neerstigher bede vanden voorschreuen Heeren vanden VIII.
bloede/ ende vanden ghedeputeerde vande voorschreuen staten/ ende
oock ter ootmoedigher bede vanden poorters ende insetene vander
stede van Brugge/ hebben gheaboleert/ vergheuen/ ende quitte
ghescholden ten eeuwighen daghe/ t'houden ende detentie van onsen
persoon/ mitgaders al tghunde datter ghebeurt of gheschiet is/ vo-
ren of naer/ hy wien ende in wat maniere het is/ dat verghetende ghes-
beel ende al/ als niet ghebeurt.

Item desgelijcs ter bede als boue/ hebbē vergheuen al tghunt dat IX.
byden drie leden vande van Vlaenderen/ en elcken van hemlieden int
generale

generale ende partiaillere / misdaen ofte misbruyc mach zyn / teghens
onsen persoē / het sy adhererende den volcke van Brugge / houdende
ons geyuanghen in heuren name / ons doende vyantschap en oorloge
op hem selue / of blamerende / iniurierende ons / de onse / by fauour ofte
by woorden / ofte anderssins / by wat maniere het sy / sonder ter cause
van dat voorschreuen is / ofte eenige andere saken voorlede hemlieden
den ghesigneerden byden paepse gemaect int iaer vijuentachtentich /
in Vlaenderen / noch andere nen / mermeer yet te heesschene / te doene /
ofte yemant laten heessche / int generale noch int particuliere / in lijfue /
noch in goede / buyten noch binne den lande / noch anderssins in eeni-
ghe manieren.

X. Item die voorschreue van Vlaenderē / ter contemplacien van ons /
ende der voorschreuen vieren vanden blode / en oock ter begheerten
vande ghedeputeerde vanden staten / hebben vriendelick ende libe-
ralick vergheuen en quijte ghescholden / alle lachteren / iniurien ende
violencien / die hemlieden ghedaen hebben gheweest / wt causen van-
der diuision / by wien / hoe / ende in wat manieren het sy / sonder eenige
exceptie ofte restrictie / alsoe wel int consenteren van diuersche settin-
ghe sonder eendrachtich consent vande leden / als anderssins / dat oock
vergetende / als niet gebeurt / en consenterē dat elc papsuēlich weder-
keere totten sinnen / indē staet dat hijs vinden sal / sonder ter cause vande
selue diuision / hemliede nimmermeer yet te heesschene of te verwoytene.

XI. Item alle die andere / die ter cause / ende onder tdersel vande selue
diuision gheoffenseert / gheiniuriert / ofte gheviolert hebben gewest /
in lijfue / ofte in goede / ofte anderssins / in wat maniere het sy / Sullen
insghelijc dat al vergheuen ende vergheten / sonder nimmermeer
questie ofte vermaen of te makene.

XII. Item waert dat yemant handelinge ghehadt hebbende van eeni-
ghe penninghe / het sy van ons / ofte onse bevinde sone / ofte van eeni-
ghe Stede / Casselrien ofte Landen / hem ghemesuseert hadde in zijne
voorschreue administracie / en datinen beuonde dat by gheappliciert
hadde zijne prouffijte singuliere / eenige vande voorschreuen penning-
ghen / Sal ghehouden zyn daer of te verantwoordene / ende te rechte
te stane / daert ende alsoet behooren sal.

XIII. Item waert oock dat yemant voor de diuision / sonder cause of tere-
dene / by verdreyghinge / fortse ofte cracht / quade listen of practique /
ghecreghen hadde van yemande / eenich goet / siluer / ghelt / huyfen /
landt / ofte andere iuwelen of catheplen / Die sal insghelijc gehouden
wesen

wesen te verantwoorden/daert behoeren sal, ende recht te ghenetene op de restitucie vanden seluen goede ofte ghelde ciuich/ sonder meer.

Item/ ende omme sekere redene ons mouerende, ende sonderlinge omme te schuwene alle questiē ende processē, die ter cause vanden appelle gheinteriecteert by die van Vlaenderen/gheschepen waren te rūsene: So hebben wy ter begheerte als bouen/gherenunciert en zijn afghegaen van onser manborne ende voochdie in Vlaenderen, ende hebben gheslaect ende ontslegghen die selue van Vlaenderen, van alle reden die sy ons in die qualiteyt ofte anderffins gedaen moghen hebben/ende consenteren dat t'selue lant ende graeffschap, in alle zūne leden/voortaen sal zūn gheregiert ende ghegouerneert, ouer de name van onse voerschreuen bevinde sone, alsoe wel in als in administratie vā iusticien of anderffins, by aduise vande voerschreuen heeren vanden bloede, vander moederlike sijde, ende van sulcke rade als de selue heeren stellen ende ordonneren sullen, by aduise ende consente vande voerschreuen drie leden ende Staten van Vlaenderen, achteruolghende de rendrachtichede. XIIII.

Item mitwelcken renunciatie de voorschreuen van Vlaenderen, hebben ons geconsenteert, iaerlic te gheue, om het onderhout, de somme vā vijfentwintich duysent pondē, van veertich grootē tpon, gheduerende de onbeiaerthede van onsen bevinde sone, de welcke wy heffen sullen byder handt vanden ontfanghere van Vlaenderen, ten tweē pavuementē thāers, te wetene, d'ē helst te Viersaent/ende d'ander S. Jansmesse, waer of t'eerste pavuement vallen sal te Viersaent eerstcomende/sonder dat wy yet meer sullen mogen begheeren/heffsen, noch heffen int selue lant ende graeffschap van Vlaenderē, En mits desen, soo sullen alle achterstellen diemen ons schuldich wesen mach, ter cause van subuencien ofte bedē voorledē, ofte andere quyte zyn. XV.

Item hebben verclaert ende verclaren, dat wy niet en pretenderen eenich recht van proprietē, noch andere, int lant ende graeffschap van Vlaenderen: Ende hebben beloefte ende beloouē, dat wy daer af niet meer draghen noch schreuen en sullen de wapenen. XVI.

Item wy accepteren den paps, die de Coninck van Brancrheke ghepresenteert heeft, by zūne beslotene ende opene breuen, de voorschreuen drie leden, slants van Vlaenderen, ende alle andere die hemlieden metten seluen drie leden sullen willen voeghen ende verclaren: En houden ons acnden paps vanden iaere tweentachtentich, XVII.

24 iiij ende zūn

ende zijn te wieden dat alle d'andere landen, hemlieden verclaren den seluen paeps. Ende wy sullen confirmeren / ratifieren / ende onderhouden sonder inbreken / al tghunt dat by onse ambassadeurs, op dat wy eenighe senden / ofte by den ambassadeurs vande selue staten, ghemaect ende ghesloten zijn sal.

XVIII. Item hebben beloest ende belouen / den personen van onsen voorschreuen beminde sone, te stellene inde handen vanden voorschreuen heeren vanden bloede / vande moederlike syde / omme voortae heerlich gheregiert ende onderhouden te sijne / op de staet die men hem maken sal / ende oock veruoert van lande te lande / by tjde ende by oordene / alsoot t'anderen tijden gheconsenteert ende gheauiseert is gheweest / oft als men wt beste auiseren sal / sal maken den seluen staet / ten onderhoudene van welcke / de staten van alle de lande contribueren sullen by portie.

XIX. Item hebben beloest ende belouen / te ontlastene de voorschreuen van Vlaenderen / ende quijte te houdene teghens onse beminde sone / ende teghens alle andere diet naemaels aenghaen soude moghen / van alsulcke iuweelen en tapijtsen / als wy naer den voorschreuen paeps vanden iaere vijfentachtentich ghecregen hebben wt heuren handen / toebehoerende onse voorschreuen beminden sone.

XX. Item de voerschreuen van Vlaenderen / alsoe wel int generale als int particuliere / sullen bliuen in alle heure rechten / priuilegien / vrijheden / costumen ende vsaigen / sonder te belettene / ofte ogheuerck te hebbene op tghunt dat ghedaen mach wesen in preiudicie vande selue rechten ende priuilegien / in wat maniere het sy / Ende sullen alle brieuen van obligatiën / ofte andere die ghemaect zijn ter contrarie wederghenuen zijn / ghecasseert ende te nieten ghedaen.

XXI. Item hebben beloest ende belouen / dat wy nimmermeer en sullen doen / noch procureren gebaen te zijne / directelich of indirectelich / eenige saken die comen ofte heeren soudent moge / in preiudicie / schade ofte achterdeel vande voorschreue lande en Graeffschap van Vlaenderen / noch oock den coopman noch der coopmanschepe vander seluer. En indien datter eenige saken gebaen is ter gratien by ons / ende onse / het sy by gheesteliche censuren oft andersins / die sullen wy terstont doen wederroepen ende te nieten doen / ende wy sullen gheuen brieuen van verskertheide / alle Cooplieden en andere diese heeffschen sullen / omme wedelich te moghen gaen en conuerferen in heure coopmanschepe

manschepe/ en anderffins in duytsche landen/ ende alomme/ sonder te
cause van saken voorleden getrauilleert ofte ghemolesteert te zijne/
in lijfue noch in goede/ noch anderffins/ in wat manieren dat het sp.

Item ende omme de verskerthede/ van al dat voorschreue is/ wy **XXII.**
sullen sweeren opde heylighe Euangelien/ op theplich hout des Cru-
cen/ op t' Canon vander Misse/ ende op theplich Sacrament/ dat wy
sonder inbreken sullen onderhouden en volcommen/ dit voorschreuen
tractaet/ van pointe te pointe/ sonder nimmermeer te doene/ noch te
procureren gedaen te zijne/ yet ter contrarien/ ons stellende en submit-
terende tot alle hiercheliche censuren: Niet teghenstaende de Priui-
legien die wy als Coninck vande Romeynen/ ofte anderffins hebben
moghen ter contrarien.

Item soe sullen ter begheerte van ons/ onse heylighe vader den **XXIII.**
Paus/ de Keiser onse vader/ de ses Ceurvorsten/ de voorschreuen
Heeren vanden bloede/ ende de staten van alle de voorschreuen lan-
den/ ten contentemente van die van Vlaenderen/ en oec de bisschoppen
van Utrecht/ ende van Ludich/ ende de hertoghe van Cleuen/ ende
van Ghulick/ confirmeren den seluen paeps/ met heure openen ende
beseghelde brieuen/ ende belouen die t' onderhoudene/ noch gheen as-
sistencie/ noch bystant te doene ter contrarien: Ende daer toe mede de
voorschreuen bisschoppen van Ludich/ ende van Utrecht/ in ditsga-
gaders de hertoghe van Cleuen ende van Ghulick/ sullen belouen
ende hemlieden verbinden/ niet te gheuen eenighe passage/ deure
heurlieder lant ofte riuieren/ eenich volck van wapene/ dat soude wil-
len oorloghen op Vlaenderen.

Item consenteren/ dat waert (het welcke Godt weere) dat wy **XXIII.**
in eenigher manieren yet daden/ oft ghedoochden te doene teghens
dit tractaet/ ofte eenighe poincten van dien/ dat in dat cas/ sonder an-
dere oft meerder declaracie daer af te doene/ de voorschreuen Heeren
vanden bloede/ de Heeren vander ordene vanden ghilden Vliese/
staten/ en ingesetene van alle de voorschreuen landen/ sullen/ ipso
facto/ nu alsdan/ ende dan als nu/ ontflegghen zijn/ van heure rede/
ende oock ontlafst van alle beden/ subuencien/ pencioenen/ ofte andere
lasten ons gheconsentert of te consenterene/ ende van alle achterstel-
ten van dien/ ende insghelijc die van Vlaenderen vanden voorschre-
uen pencioene: Ende de voorschreuen andere landen/ sekerdende van
onser subiectie ende onderdanichede/ sullen ghehouden zijn te assi-
stieren ende te secoureren de voorschreuen van Vlaenderen/ ende
van daer voort sullen gheregiert zijn/ ende ghegouerneert onder de
name

name van onse voerscreuen beëindde sone / by aduise vande voerscreuen leeren vanden bloede / ende vanden rade in elck lant / alsoe die van Vlaenderen nu geregieret sijn oft werden.

xxv. Item dit teghenwoerdich tractaet van paepse / sal gheconfirmereet sijn byden Coninck van Franckrijcke / als naeste baerbloeste oit van onse voerscreuen lande / ende sone / ter cause oander Coninghinnen zyn der ghesellende / onse beëindde dochtere.

xxvi. Item / waert so dat dit tractaet gheuiolereet ofte inghebroken werde / by wien dat waere / de selue sal gecorrigiert sijn / ende ghepunieret werden / in exempele van alle andere / soe waert dat by gheuonden ofte gheregghen wert / als een infracteur van paepse.

xxvii. Item / waert oock dat naermacle by eenighe vande contracten / dit tractaet inghebroken werde / in eenighe sijnne pointen ende articulen / dat nochtans het selue tractaet van paepse bliuen sal in sijnne cracht / ende salmen daer af reparacien moeten veruolgen / by iusticie / sonder te procederene by weghen van fauten.

xxviii. Item waert oock dat eenich vande voerscreuen Princen / oft andere / by delate / negligencie / ofte andere ghebreken / sijn bezegghelheede niet en ghaue soo voerscreuen is / dat nochtans daeromme selue tractaet niet wesen en sal van minder effecte : Ende wy compassie ende medeliden hebbende metten armen volcke / begheeren te schuwene en beletene alle de quaden / die by diuisie / ende oorloghe / oprisen souden moghen / hebben ter eere ende reuerencie van Gode / en van sijn der ghebenedide moeder / gheconsenteert / gheaggreert / gheconfirmereet / ende gheapprobeert / ende by dese teghenwoordighe ghesceetent met onser hant / consenteren / aggreereren / confirmeren en approberen / ende ter goeder trouwen / in Coninck ende Princeliche woorden belouen te onderhoudene ende te doen onderhoudene / dese voerscreuen paepse / in al / ende in elck van sone pointen ende articulen hier vooren verclaert / ende by ons gheaccordeert ende beloeft / sonder nimmermeer te doene / ofte comenene / teghens den voerscreuen paepse / ofte van eenighe pointen ofte articulen van dien. Ende om dit ghesadelicken ende onuerbreklichen te onderhoudene / wy hebben ons onse lant ende Coninckrijcke / ghesubmittert ende submitteren / tot alle paven en geesteliche censyre / Niet tegenstaende dics / wy ter contrarie van dien mogen hebben. En op dat soe ghebeurde / welcke Gode verhoeden wille / dat by ons / of andere van onse weghe vet ghebaren worde / teghens ende contrarie van eenich point vande articulen hier bouen

botten by ons gheaccordeert soe voorschreuen is: **N**uy consenteren/
wiltien, ordonneren ende beuelen den Princen hier vooren ghenoeint/
ende de drie staten vanden lande van Brabant, Lemberch, Luxemburg/
Geldre, Henegouwe, Holland, Zeelant, Famen, Zutphen/
Steden van Valenchime ende van Mechelen, dat alle hulpe faueur en
bystandichede by hemlieden in dat gheual by effecte ghedaen en ghe-
dieghen sy, teghens ons ende de voorschreuen drie leden van Vlaen-
deren ende heure adherenten, ten dien eynde dat de voorschreuen
paps in alle zijne poincten ende articulen onderhoude sy, ende dat den
inbreker ende inferanten, op datter eenighe waren, worden meughen
ghereeduniseert, ghepaeyt ende gherepareert. En omme bet dit te mo-
ghen doen sonder eenighe note ofte begrip, hebben int voorschre-
uen gheual de voorschreuen onsen schoon neue, ende neue hier vooren
genoeint, ende staten vanden voorschreuen lande, die by onser ordon-
natie ende beuele met ons zegghele sullen dese tegenwoordighe paps,
ofte daer of gheuen heure brieuen, gheabsolueert ende gelaect, absol-
ueren ende staten van heurlieder eede dat sy t'onswaert hebben. Soe
ist dat wy ghebieden ende beuelen onsen lieuen ende getrouwen Can-
cellier, ende die lieden van onsen grooten Raede, den Cancellier ende
lieden van onsen Raede in Brabant, onse Stedehouders ende Raden
van Luxemburch, ende van Geldre, van Henegouwe, van Holland/
van Zeelant, Famen, ende alle andere onse iusticiers ende officiers
van elcken van hemlieden, dat sy den voornoemden paps onderhou-
den ende doen onderhouden, in elck point ende articule van dien, son-
der daer teghens te doene, ofte comene, ofte ghedooghen gedaen te
te zyne in eenigher maniere, want ons alsoe belieft, ende ghedaen
wiltien hebben.

Item, ende omme dies wille datmen van desen teghenwoordighen **XXIX.**
papse sal hebben te doene in vele diuersche plecken, wy wiltien dat
den vidimus van dese, ofte van eenighe poincten van dien, onder den
zeghele, auctentich gelooene ghegheuen sy als de originale. Ende ten
dien eynde dat alle saken vast worde ende ghestadich bliuen, wy heb-
ben onse zeghele hier aen ghedaen hanghen, ende in meerder vast-
tichede ende versekerichede vande saken voorschreuen hebben ghebe-
beden onsen voorschreuen schoon neue van Rauestain, ende **M**er
Philips synen sone, de Heere van Brucx oock onse neue, insghe-
licks de Prelaten, Eclen, ende Steden vande voorghenoemde lan-
de van Brabant, van Luxemburch, Geldre, Henegouwe, Holland/
Zeelant, Famen, Zutphen, Valenchimes ende Mechelen, oock
haere zeghele met den onse hier aen te hanghene, twelcke wy **N**odolf
van

132 000000

General theobald von schillingen
nach in hofe

